


BOMOLIMO BA JESU KRESTE

 Moena Graham, kea u leboha. Lumelang hoseng, bohle, le Keresemose e monate ho lona bohle. Re thabile haholo ho boela re khutlela hoseng hona, mona tabernakeleng, ho ba 'moho le sehlotso'ana se ratehang sena.

2 'Na le Moena Graham re ne re ntse re qoqa ka mane, taba. A re, "Moena Bill, u na le ho hong pelong ea hao hoseng hona?"

3 Ka re, "Kreste feela." Amen. Ke phetho. Re na le hoo ka mehla. 'Me ka baka leo hoo ke tloaelo ho rona, ho ba le Eena.

4 Ke fihlile ho se ho phirimile haholo maobane, ho tsoa Dallas, moo re ne re ena le . . . e 'ngoe ea likopano tse tlotlehang ka ho feta. 'Me ntho eo e sa le re e rapella, e mothating oa ho etsahala. E se e ntse e etsahala hona joale, hono, ke bakeng sa tsoseletso e haolang ka naha eohle. Bareri bohle, maobane, bo . . . kapa matsatsing a 'maloa a fetileng, ba nang le tekano le boleng ba boreri kapa lits'ebeletso, re ne re phuthehile 'moho mane—mane Dallas bakeng sa seboka sena. 'Me ho ena le leshome le metso e mehlano, bareri ba leshome le metso e robeli mono ba—ba nang le ts'ebeletso e jarang kae-kae pakeng tsa likete tse tharo le likete tse leshome le metso e mehlano, mohlomong batho ba ka etsang likete tse mashome a mabeli. Raymond T. Richey, ho tea mohlala, le Bosworth, le—le Oral Roberts, le Jackson, le mathaka ao 'ohle mono.

5 Moena Jackson, bosiu bo bong, kopanong ea hae, a ba le makholo a mahlano a amohelang Moea o Halalelang ka nako e le 'ngoe, ka baka leo hoo ho a babatseha.

6 'Me bohle re ne re kopane maobane, tsatsi le leng, ka tumellano ea mosebetsi oa selemo, hore re lumela Molimo a le teng mona ho etsa mosebetsi le phuluho, eo lefats'e le eso ho ka le e bona pele. Kea lumela, metsoalle, hore re—re kena nthong e 'ngoe e babatsehang. 'Me bareri bana bao mohlomong ba tla fumana bosiu bo bong le bo bong hlabula lena le tlang, ha Morena a re lumella, bosiu bo bong le bong mohlomong bonnyane ho be le ntho ho tloha . . . ho ba le leshome le metso e mehlano kapa leshome le metso e ts'eletseng, mohlomong ho feta moo, ho hloma lintente tse kholo, tse kenyang batho ba fihlang ho likete tse robeli le tse leshome, ho potoloha Linaha tse Kopaneng, ka nako e le 'ngoe.

7 Oh, re tlamehile ho fumana tsoseletso joale. E se e le mochenng, makholo le makholo a amohela Moea o Halalelang, ba kena 'Musong oa Molimo joale. Hase le ntho eo re e lebeletseng pele koana, hamorao, empa e—e—e se e le teng hona joale. Molimo o etsa hona joale.

⁸ [Moena Graham Snelling o botsa Moena Branham ka maeke—Mong.] E, monghali, ke...E, Moena Graham. Ke eona ntho e kamehla ke...Hantle. Be, lea tseba, 'na le Moena Graham re sebetsa hantle haholo 'moho; o molelele haholo 'me 'na ke mokhuts'oane haholo. Ka baka leo ke...[Moena Snelling o re, "U kha tholoana e tlase, 'me 'na ke kha tholoana tsohle tse holimo." Moena Branham le phutheho ba ts'eha.] Ka nako tse ling ke lokela ho mo etsa hore a hlohlolarele tse ling fats'e. [Sekheo lebanteng.] Kea u leboha, Moena Graham. Le joale ha ke eso ho utloisisa hoo, mollo. Re o batla aletareng, ha ke re? Amen. Khele, u... .

⁹ Re ne re lutse bosiu bo bong, botebo ba likete ka mono, 'me bao bohle ba opa liatla tsa bona 'me ba rorisa Molimo, re le nakong e tlotlehang haholo, re ena le Mollo aletareng he.

¹⁰ 'Me re thabetse haholo ho tsebisa tsosetsetso lehlabula lena le tlang. Joale ke mane... .

¹¹ Ke tla ba mona le kereke, le Moena Graham le lona bohle, matsatsing a latelang a robeli kapa a leshome, kea kholoa, kamoo ke tsebang kateng, 'me ke batla ho ba ts'ebeletsong e 'ngoe le e 'ngoe eo nka khonang ho ba ho eona. Ke ntoo... .

¹² Re tloha mono, ho ea Houston, Texas, holong e kholo. Ho na le mohaho o motle o moholo mono o lulang batho ba likete tse leshome le metso e supileng, 'me re lebeletse nako e kholo.

¹³ Ra leka ho fumana... rona bohle ho ts'oara mola oa ho rapella tlase mane, empa ha rea khona ho etsa hoo; moreri e mong sebakeng se seng, le e mong hape, moleng oa ho rapella. Empa, banna, keha e sa khone ho sebetsa ka tsela eo, 'me ke Moena Jagers feela ea ileng a lokela ho tsoela pele.

¹⁴ 'Me, helang, ke batla ho phatlalatsa ntho e 'ngoe. Moena Jagers o ile a ema 'me a nka kemo joalo ka ha re entse Galgary. O... MaMissionary Baptist le maFree Will Baptist, le bohle, (lea tseba, Texas e tletse maBaptise), ba ile ba ema le eena, empa maBaptise a tsitlallelang thuto ea motheo a ema khahlano le—le lenaneo. Le, oh, kamoo ba ileng ba mo ngolla pampiring kateng le ntho e 'ngoe le e 'ngoe. Che, eena, ba mo ngolla lipotso tsa Bible, ka hona a arabela. 'Me ba fumana... hoba ba fumane bopaki ba bona ka sebele, ha hlaha kemo ea sehlopha sa sepolotiki, khele, keha ba sa batle ho e kenya pampiring. Ka hona Moena Jagers, ra epa pitso mono, 'me ha phutheha bareri ba mashome a supileng ba sebetsang 'moho motseng, ra katlatsa fotostate ea eona, le ho re, "Na ke eona tokoloho ea puo ee? Na ke eona tokoloho ea khatiso ee?" Ka mokhoa oo, 'me ra e phatlalatsa. 'Me hoseng ho latelang pampiri ea lahlehelo ke bats'ehetsi ba likete tse leshome.

¹⁵ 'Me ba tla, ba lla, ka mangole a bona, ho re, "Re tla phatlalatsa pampiring, mahala, ha lea lokela ho re lefa le peni."

¹⁶ Oho, moena, mamela, uena kereke. Ka nake o 'ngoe re ne re lula tlase seporong sa terene; ha re sa lula moo. Re lula Hallelua Avenue joale. E, monghali. Re balloa hara limilione. Re ne re tloaetse, re le makholo a 'maloa feela, empa re fihlile limilioneng, limilione joale. 'Me re kopane, re kereke e matla ka ho fetisisa, lipalong, e teng Linaheng tse Kopaneng; ke hantle, oh, kea kholoa, lefats'eng. Ngoahola, feela, re fumane lits'okoloho tse milione le likete tse makholo a mahlano. Nahanang, lits'okoloho tse milione le likete tse makholo a mahlano, bathong ba Evangedi e tletseng, ke hore, mananeong a akaretsang ngoahola. Oh, re ntse re nyoloha joale.

¹⁷ 'Me lipampits'ana tsena le linthoana tseo esale. . . ba ke ke ba bua ka batho ba Katolike, ba ne ba ba ts'aba. Le a bona, ba ne ba ts'aba ho etsa hoo. Empa joale le rona re balloa holimo mono. Re na le litokelo. Ha re tsekeng tokelo ea rona e abiloeng ke Molimo. Ke hantle. Ka baka leo monongoaha re tsoela pele, 'moho le Molimo e le thuso ea rona le thebe ea rona, ho hlhisa. . . ho leka ka bokhoni ba matla a rona ho ts'oara tsoseletso. Joale ke. . .

¹⁸ [Motho o bua le Moena Branham—Mong.] Oh, holimo mono? Le tla lokela ho mpoella hore ke eme neneng. Holimo mono, hantle holimo mono. Ke hantle. Nka khona ho tsamaea *tjena* le ho hetla morao.

¹⁹ 'Me ka baka leo, ho hotle, ba bakae ba ikutloang monate bakeng sa Keresemose? E reng, "Amen." [Phutheho e re, "Amen."—Mong.] Oho, banna, banna! Shebang! Ena ke nako ea nyakallo, nako ea hore bohle re ka kopana 'moho le ho rapela Kreste.

²⁰ 'Me ha—ha ke, ha ke na molaetsa, le letho. Ke mpile ka phetla Bible ea ka ha a ne a bua mane. Ka phetla mona, ka re, "Tsoalo ea Kreste e kae?" Motho e mong le e mong o batla a bua ka ntho eo joale. 'Me ka baka leo ke tla lokela ho bala nakoana feela ke ntoo fumana nthoana e 'ngoe 'me ke 'ne ke thekesele joalo ho fihlela Moea oa Morena o thonaka ntho e 'ngoe.

²¹ Joale, ho qala, ha re qaleng ho Luka, khaolo ea 1 ea Luka. Eo ke qalo ea—ea tsoalo ea Kreste. 'Me re tla bala ho hong mona, kapa ho ruta ntho e 'ngoe feela ea Lentsoe ha re khona. Ha re tsebe seo Morena a tla re etsetsa sona, empa re ts'epa feela A tla re fa mahlohonolo a maholo.

²² Hela, ke utloile khaso ea hao. E ne e babatseha. U tsoelepele, tsoelapele, rera Lentsoe.

²³ Ke ne ke ntse ke bolella Moena Graham, ka mono, "Ha ho kile ha ba le nako eo Bakreste ba hlokanang, ke hona joale, hantle hona joale." Sohle le se etsang, le lahle tsohle; hoba kea lumela, ka mohau oa Molimo. . . Ke tla bua feela ka ntho eo, nakoana, metsotsong e 'maloa, kaha kamoo re—re hlokanang hona joale.

²⁴ Boholo...Ke lumela re tabane le...Na le 'mametse? [Phutheho e re, "Amen."—Mong.] Ke hantle. Hona joale, re tobane, re shebile terama e khohohali ka ho feta e kileng ea hlaha historing eohle ea batho, e sebetsoa ka pela rona. Ts'imo e kholo ea lefats'e mona, le terama eo Molimo a tla e ts'oants'isa, hona joale. Hoo, ho a nyarosa, ho qamaka hohle lefats'eng le ho bona kamoo ntho eo e kopanang 'moho. Oh, ke ntho e itokisetsang ho etsahala, motsoalle. Sena seo re buileng ka sona le ho se bolela, se hona mona joale. Le a bona? Se se se qala, hohle, se a hotoloha.

²⁵ Ho na le sets'oants'ohali seo ke batlang ho le ts'oants'etsa sona hoseng hona. Ke bona konyana ntle koana naheng, e ntse e fula. Thakanyana leo le qala le ferekana 'me le feela... 'me lea ipotsa. Ha ke sheba ka mora lona hara mahlaka, ke bona tau e nanya, ha bonolo. Le a bona? E phathatsa mobu ka mohatla oa eona, e hlophisetsa maoto a eona ho lakoma.

²⁶ Eo ke kereke e ka ntle koana naheng. Lefifi la bokomonisi le its'unya holima lefats'e lohle, le koahela joalo ka seriti se sehlo se sets'o.

²⁷ 'Me ona ke molao oa liphapang. Nka joalo ka pele letsatsi le chaba, kamehla ho lefifi haholo pele ha letsatsi le chaba, le sutumetsa lefifi. 'Me ke molao oa liphapang, le a bona, ho fifala haholo pele letsatsi le chaba.

²⁸ 'Me re nthong eona eo hona joale. Ho fifala haholo pele letsatsi le chaba. Liriti tse kholo tsa lefifi li sututsa li kena, ho phethahatsa monna oa sebe. Na le lemohile, ka eona nako ena ea Keresemose, linaha tsohle tsa bokomonisi, ho ena le ho nts'a Krete sejelong, ba nts'a libukana tsa Stalin, ba bea sets'oants'o sa Stalin holim'a eona; monna ea hanang, ea kaholima hohle ho bitsoang Molimo, le tse joalo, o kenya karolo e kholo ea lefats'e litleneng tsa hae. 'Me ntho e 'ngoe, hoo, tsena tsohle, ke ho phethahatsa Lengolo.

²⁹ 'Me he, hape, ke batla le lemohe ntho e 'ngoe, phethahatso e 'ngoe. Batho bana ba hlophisitsoeng kahara likereke tsena tse hlophisitsoeng, ba ema khahlano le Tsela. 'Me Bible e boletse, "Ba tla ba le sebopelo sa borapeli, empa ba latola Matla a jona; le ba joalo u ba furalle." 'Me ba nka kemo ea bona.

³⁰ Bokomonisi bo nka kemo ea bona.

³¹ Ho bokoe Molimo, Moea o Halalelang o nka kemo ea Eona. E. "Ha sera se tla joalo ka noka, ebe moo Ke tla emisa folaga khahlano le sona." Ke hantle. 'Me le Kereke e nkile kemo ea eona, ke bua ka Kereke ea Moea o Halalelang.

³² Joale ke ho fela hoo ke ho thahasellang, metsoalle, 'me ke mona. Ka ntle koana, ke tla rapella bakuli. Empa ka mona ke thahasella ntho e le 'ngoe, 'me ke Kereke ea Molimo e tsoetsoeng labobeli. Ke hantle. Ke eona ntho eo ke e

thahasellang, le hona. Ha ke thahaselle lihlomathiso, le batikone, le tse joalo, ka mokhoa oo, kapa litaelo tsa likereke. Ke thahasella kolobetso ea Moea o Halalelang holima Kereke, bakeng sa letsatsi lena leo re phelang ho lona. Ke eo karolo ea motheo, 'me ke sona seo re se batlang.

Polelo ea thapelo feela joale.

³³ Ntate ea Maholimong, theohela, hoseng hona, hara rona. Fana ka sena, Morena, 'me Moea oa Molimo o nke ts'ebeletso. Hlohonolofatsa mosebetsi mona, Morena. Hlohonolofatsa moena oa rona, Moena Graham. Molimo, mo fe mantsoe a bohlae bosiuong bona, khasong ea seea-le-moea, a tle a—a sisinye batho ka . . . ka ho rera Lentsoe. Fana ka sena, Morena. Baetsalibe ba ke ba lle, ba khumame liphaposing tsa bona le ho neha Kreste lipelo tsa bona. Ha ho ena le ba sa lumeleng mona hoseng hona, kapa ea eso ho ka a amohela Kreste, ba ke ba tle, le bona.

³⁴ Joale qala tsoseletso lipelong tsa batho, hoseng hona, Morena. Ena e ke e be nako ea nchafatso, nako eo Moea o tla nchafatsoa. 'Me, oho Ntate, re ka e rapela ka tsela ena. Tlo re ts'oare ka letsoho, e mong le e mong oa rona, re tsamaisa tselana ena mona. Re bonts'e sets'oants'o se sehlo sena se lutseng ka lenaneo mona, ho senolela lipelo tsa bahalaleli sephiri sa Hao hoseng hona, re tle re bone se ka ntle mona ka pela rona. 'Me e re re sa theoaha, Morena, ka lihlomo tsa Molimo, re ke re tsamaee joalo ka masole a sebeti, ho tobana le sera. Empa re ka tobana le sona joang re sa tsebe maqiti a sona? 'Me re thuse ho utloisisa hoseng hona, le ho re bonts'a . . . lepatlelo la hae mono, re tle re tsebe moo re tla kopanela le eena teng. Hoba re kopa ka Lebitso la Jesu. Amen.

³⁵ Ha re, khaolo ea 2, ha re baleng hona.

Mehlang eo, ha hlaha taelo ea Sesare Augusto, e reng, ho ngoloe palo ea baahi ba lefats'e lohle.

(Palo eo ke ea pele, ea etsoa . . . e le 'muisi oa Siria.)

Eaba batho bohle ba ea ho ea ngoloe, e mong le e mong motseng oa habo.

Josefa le eena a tloha Galelea, motseng oa Nazaretha, a ea Juda, motseng oa Davida, o bitsoa Bethlehem, (etsoe e ne e le motho oa ntlo ea Davida le oa leloko la hae;)

Ba ea ho ngoloe le Maria, mosali eo a mo lebelelitseng, e neng e le moimana.

Ba sa le moo, matsatsi a botlalo ba hae a phetheha;

A beleha mora oa hae oa letsibolo; a mo phuthela maseleng, a mo robatsa sejelong; kahobane ho ne ho se sebaka sa hae tlung ea baeti.

³⁶ Joale bakeng sa motheo feela, ho . . . re be re fihlele karolo ea eona eo ke tla e sebelisa hoseng hona. 'Me lona le kene Moeeng oa Morena feela.

³⁷ Rona, kajeno, lefats'e ho pota, ho ketekoa tsoalo ea Jesu, eo joale e leng moetlo feela. Jesu ha a tsoaloa ka la mashome a mabeli a maetso e mehlano Ts'itoe kapa le letho le kang. . . kapa Ts'itoe oa la 25. Rea tseba hase ntho e ka etsoang. Maralla a Judea a ne a tletse lehloa nakong eo, ka baka leo ho ne ho ka ba joalo joang? Jesu ka tloaelo, ho latela bolepi ba linaleli, joalo-joalo, le ho latela lintho tseo tsohle o hlahile, pele, ho ella mathoasong a 'Mesa, mohla sehla sa Selemo. Empa lena ke letsatsi, athe ho itoketse, le beelloang kathoko ho rapela, e le sehopotso sa ho tla ha Hae lefats'eng.

³⁸ E 'ngoe ea limpho tse kholo tseo Molimo o kileng oa li fa lefats'e ke Jesu Kreste. Hoo, re tseba hoo. 'Me ke batla ho bua, hoseng hona, ka BoMolimo ba Hae, hore Eena ke Mang. Ba bangata ba 'Mona e le lesea le robetseng moalong, le joalo-joalo. Empa seo—seo e ne e le se seng sa lits'oants'o, e le malulo a mang feela a terama, ho e fihlisa ho seo A leng sona ruri, BoMolimo ba Hae.

³⁹ 'Me O boletse, Mangolong a ho tla ha Hae, esale A boletsoe ho tloha mehleng ea—ea Johanne. Morao esita le mots'eo koana ho Genese, ho porofetilo, ho re, "Peo ea mosali e tla khoba hlooho ea noha," ha ts'episoa Ngoana—Ngoana enoa, Kreste Jesu. 'Me esale A le joalo ho theoha, baporofeta bohle; e batla e le moporofeta e mong le e mong ea kileng a ngoloa ka hara Bibe, o buile ka ho tla ha Hae la pele le ha bobeli, mohla A tla tla lefats'eng.

⁴⁰ Jesu o tla makhetlo a mararo. O tlile, khetlo la pele, ho *lopolla* Kereke ea Hae. O tla, khetlo la bobeli, ho *amohela* Kereke ea Hae. O tla, khetlo la boraro, '*moho* le Kereke ea Hae. Ntho e 'ngoe le e 'ngoe kahara Bibe e tsamaea ka botrintase, ka boraro, empa tsohle ho Kreste a le mong. Eena, le hopole, khetlo la pele, ho *lopolla* Kere ke ea Hae; khetlo la bobeli, ho *amohela* Kereke ea Hae; khetlo la boraro, '*moho* le Kereke ea Hae, joalo ka Morena le Mofumahali.

⁴¹ Joale, empa ho tleng ha Hae ha pele, re tla bua ka hona hanyenyane, 'me e ntoo ba ka ho ba ha Hae mona; 'me e ntoo ba ka ho khutla ha Hae labobeli, hona, ka hona; 'me e ntoo ba ka lekhetlo la boraro; ha Morena a ratile.

⁴² Joale matsatsing ana, ho ne ho hlahile hloriso e kholo khahlano le kereke. Sesare Augusto a ralile leano le lehlo, hore o tla lefisa batho bohle lekhetho. 'Me hoo ho entsoe ka sepheo se le seng feela, hore boporofeta bo boholo ba Molimo bo phethehe.

⁴³ Ntho feela eo u lokelang ho e etsa, ha u bona ntho e itseng Bibeleng, e utloahalang e patehile 'me e le tumelo-khoela ho

uena, ak'u fe Molimo nakoana e seng kae. Molimo ha a potlaka. Ke rona ba potlakang. Ak'u fe Molimo nakoana, 'me u tla bona mabili a khale a boporofeta, likhoko, li matha li kena sets'oants'ong. Se tla hola, joalo ka sets'oants'o se hlahang.

⁴⁴ Joalo ka ha ho buile motho tsatsi le leng, a re, "Molimo, E ne e le eng?" Mohla A na a lutse morao koana, lilemo tse limilione le tse limilione khale-khale, mohla A ne a e-so... joalo ka sebaka sena mona; eaba O bokellana kahara Logos; 'me A nto tsoa ho Logos, ho theohela ho Kreste. Le a bona, ke ho theoha ha Molimo *tjena*, ho tla lefats'eng, le ho khutlela ho Molimo hape. Ha le bone seo ke se bolelang na? Ho potoloha feela, ho theoha sebakeng, ho tsoa Bosafeleng; ho phikoloha 'moho, ho theohela ho Logos; ho tsoa ho Logos, mono kahara Motho, e nto ba ho khutlela morao hape. Ka sepheo se le seng feela, ho lopolla motho ea neng a oele.

⁴⁵ Joale, ke seo A se tletseng, ho ba Molopolli. 'Me le pele Molimo e ka ba Molopolli, O na a lokela, ho latela molao, ho ba Molopolli oa leloko. O na a loketse ho ba oa leloko la rona.

⁴⁶ 'Me Molimo ts'imolohong, o entse motho oa Oona oa pele, Oa mo etsa ka moea. 'Me moea ke karolo e sa bonoeng ea motho, eo u sa e boneng. Joale Molimo o entse motho ka sets'oants'o sa Oona ka Sebele. Na le ntse le 'mametse? [Phutheho e re, "Amen."—Mong.] Ke hantle. Molimo o entse motho ka sets'oants'o sa Oona ka Sebele. "'Me Molimo ke Moea," Bibe e itsalo. 'Me motho oa pele ea kileng a etsoa o na a busa 'mopo 'ohle, joalo ka ha Moea o Halalelang o busa Kereke kajeno. O ne a eteletse 'mopo pele. A eteletse liphoofolo.

⁴⁷ Empa ho se motho ea lemanng mobu, ka baka leo Molimo oa etsa motho ka lerole la lefats'e. 'Me motho eo, A ka mo fa letsoho le kang la manki, A ka mo fa maoto a kang a bere. Sohle seo A se entseng, A e teanya hammoho feela 'me a etsa motho. Empa motho enoa, O kentse moea ona oa kamehla o sa shoeng, kahara motho enoa, 'me a ba ka holingoana ho phoofolo; ea eba motho.

⁴⁸ Eaba motho enoa mona, ke sona seo ke nahanang bahetene le bao ba emang ka mathoko, ho phehiloe khang. Empa hora eo Molimo a bonesang Leseli la Hae e tlile, ho fihlile hora eo Molimo a etsang lintho ka eona. Ke hantle. 'Me joale ha ba phehisana, "Be, maoto a hae a ts'oana le a bere, le matsoho a hae a ts'oana le a—a api kapa a—a manki, kapa joalo-joalo," 'me ba leka ho re tlhaho ea hae e tsoa moo. Hoo ha ho amane le eona ka letho.

⁴⁹ Ona ke 'mele oa nama oo A lulang ho oona feela, joalo ka ntlo, o khutlela leroleng la lefats'e. Empa moea ha o shoe, o tsoa ho Molimo. Seo ke sets'oants'o sa Molimo. Molimo ke Moea.

⁵⁰ Motho eo o lahlehetsoe ke tlhaho ea hae Ts'imong ea Edene. Kamano ea hae, puisano le Molimo ea khaotsoa hona mono, ka baka la sebe le ho se lumele. Ho se lumele ho eng? Lentsoe la Molimo. Eva o kile a takeloa sets'oants'o ka mohla o mong, le ho 'molella kamoo se ka khanyang ho feta ha feela—feela a ka nyahlatsa Lentsoe la Molimo, “sheba mabakeng mona.” U ke ke. Molimo . . .

⁵¹ Phapang e teng pakeng tsa lebaka le Lentsoe la Molimo. Lentsoe la Molimo ke 'nete; lebaka ke leshano. Ha ho letho leo u ka le behelang mabaka. Ho lokile. Mohopolo oa rona ha o khone, le a bona, ha o motle ho lekaneng kapa o ke ke oa khona le ka mohla, ho utloisisa bohlahe Bosafeleng ba Molimo. 'Me, ha ho le joalo, u ka sitoa ho Le behela mabaka; u lokela ho Le lumela feela.

⁵² 'Me ka hona ha takoa sets'oants'o, morao mane ka ntat'a rona oa pele le 'me, 'me ba oa. 'Me hoo ho robile kamano le Molimo, 'me ba lelekoa Ts'imong ea Edene. Ho qala ka hora eo, Molimo oa qalella ho hoeletsa ho nyoloha le ho theoha hara lits'ingoana, ho tsoma ngoana oa Hae—oa Hae ea lahlehileng.

⁵³ 'Me ha sala tsela e le 'ngoe eo Molimo a na a ka mo lopolla, ho no ho lokela ho etsoa . . . ho theoha le ho mo lopolla, ka boEena; e seng ka e mong, e seng ka ho roma motho e mong. A ke ke a romela Lengeloi; ho ka be ho sa ka ha nepahala. Empa mokhoa o le mong oo Molimo o nong o ka lopolla motho, e le ho theoha ka boEena ho e lopolla.

⁵⁴ Ha motho a etsa sebe mona, 'me, ea ka, ke le moahloli ntho ena, oa sehlopha sena sa batho, 'me ke ena le taolo holima lona bohle, 'me ha nka . . . Ha motho a entse sebe, 'me ke re, “Joale, ke . . . Moena Graham, ke batla u lefe tefo.” E tla be e se toka. Ha nka laela moshanyana oa ka ho lefa tefo, hoo ho ne ho ntse ho . . . ? . . . toka. Mokhoa feela oo be nka ba le toka, keha 'na ka sebele ke nka sebaka sa hae. 'Me ke eng? Ke 'na ea lihileng kahlolo, 'me ha ke batla ho lopolla motho eo, ke lokela ho nka sebaka sa hae, ka bonna. Na le 'mametse? [Phutheho e re, “Amen.”—Mong.]

⁵⁵ Joale, shebang, ke batla le lemohe ntho e 'ngoe. Joale eitse hobane sena, mokhoa o le mong feela oo Molimo ka boEena a na ka lopolla motho enoa, e le ho theoha le ho nka sebaka sa hae. 'Me oo ke molao o no o nts'oe ke Moshe, oa topollo, hore e ne e loketse ho ba ka molopolli oa lesika; monna a nang le tokelo pele, monna ea ruileng boleng ba theko eo, hape monna ea ka pakang pepeneneng le ho lopolla lefa le lahlehileng le motho ea neng a oele. 'Me, ebile, Molimo o ne a ena le tokelo. A theoha lilemo tse ka bang makholo a leshome le metso e robong tse fetileng, ka sebopoho sa lesea, a tsoaletsoe sejelong, a khurumetsoa ke Moea o Halalelang, a sa tsoaloe ka takatso ea motabo. E ne e le Molimo. Mali a Molimo a na a le ho Eena.

56 Kamehla lesea ke mali a ntat'a lona, hase a 'm'a lona ho hang. Re tseba hoo bohle. Ntle le...ke rutille taba eo pele, mona, mehleng, 'me lea tseba hobane lesea ha le na phopinyana ea mali a 'm'a lona ho lona, le letho.

57 Che, ha ho letho. Ke mali a botona kamehla. Sethole se ka behela lehe, empa ha le sa nona, le ke ke la qhotsa. Ho sa tsotelehe lehe le letle hakakang, hore se le futhumana hantle hakakang, le tla sala le sa nona. Le tla robala mono le bole, ke hantle, ha e se ha mokoko o bile le sethole seo, 'me lefi la bophelo le tsoa botoneng.

58 Ka baka leo, mohla Maria, "a sa tsebe monna," o bile le motho e Motona, Molimo, Jehova ea Matlaohle, 'me A mo khurumetsa, 'me Molimo ke 'Mopi ea bopileng sele ea Mali kahara popelo ea Maria, "a sa tsebe monna ho hang." 'Me hoo ho hlalositse oona Mali a Molimo a bopiloeng, ho re lopolla bophelong ba rona bo tlileng koano ka ho tsoaloa ka takatso ea nama.

59 'Me Mali ao a ntoo monngoa methapong ea Emmanuele, sefapanong sa Kalvari, 'me kajeno a ruile matla a pholosang, a lopollang, a halalela ka ho ts'oana le mohla phepelo e ne e etsoa koana Kalvari. Le a e lumela? [Phutheho e re, "Amen."—Mong.] Amen! Joale, ke hantle, re lopolotsoe ke Mali a Molimo. Bibe e re, "Re rekiloe ka Mali, 'me re lopolotsoe ka Mali, Mali a Molimo ka Sebele."

60 Ebile Mali a Molimo joang? Molimo ha A na mali. Ho ne ho ka ba joalo joang? Kahobane e ne e le Mali a hloliloeng a Molimo ao A a hlolileng, ho re lopolla, 'me a tla a haha ka hara 'mele oo A o hlolileng. Ha ho le joalo A ke ke...Molimo o ile a lokela ho mamella teko; A ke ke a lekoa. A lokela ho mamella teko ea namo. A lokela ho mamella mefuta eohle ea teko, ho lekoa ke liabolosi, ka maruo le matla le—le bolaoli, le tse joalo. A lokela ho mamella tseo tsohle. Ho ka etsa hoo, E ke ke ea ba Molimo ka Moea; A lokela ho ba Molimo ka nama.

61 Joale hoseng hona ke bua ka BoMolimo ba Kreste, le tle le tsebe hore Eo re Mo rapelang ke Mang kajeno. E seng lesea ka sejelong, kapa e seng Santa Klause, empa re rapela Molimo o Matlaohle, ka BoMolimo ba Mora oa Hae.

62 'Me le boele le lemohe, Mali ao a theohile 'me e le... 'me e ne e le Kreste Jesu. 'Me Molimo ka boEena, ho tsoa ho Moea, oa kena ka ho Kreste Jesu. 'Me Bibe e boletse, ho re, "Molimo o no o le ho Kreste, o khutlisetsa lefats'e ho Oona." Na ho nepahetse? [Phutheho e re, "Ho nepahetse."—Mong.] Molimo ka Sebele, Jehova, a phela ka ho Kreste 'me a etsoa oa Lesika la rona, kahobane A tsoetsoe ka nama ea batho ho ts'oana le rona. Na ho nepahetse? ["Amen."] Lisele tsa mali li ne li holisoa ke Molimo, 'me li—lisele tsa nama tsona tsa holisoa ka hara popelo ea Maria, hoo ha hlalisa Ngoana. 'Me

Molimo oa theoha oa lula nameng ea motho, le ho lekhoa ka mekhoa eohle ho ts'oana le rona. Na le lumela seo? ["Amen."] Ke hantle.

⁶³ Joale, eare, ha A etsa hoo, A fana ka Mali a Hae feela. O ne a sa tlameha ho etsa hoo. O entse sehlabelo seo. A ka be a ile a nyolohela Khanyeng. A ka be a ile a fetola sebopelo joalo ka ha A entse Thabeng ea Phetolelo, ho nyolohela Leholimong 'me A se ke a re shoela. Empa ka ho rata ho re shoela, A nehela Mali a Hae feela Kalvari. Ke hantle. 'Me A qoholla . . . E ne e le Motho oa mahlomola, ea tsebang masoabi, 'me O bile a paka phatlalatsa.

⁶⁴ Ho Ru- . . .Buka ea Ruthe, ke sets'oants'o se setle haholo mono, kamoo Boase, papiso ea Krete, kamoo Ruthe a ileng naheng e sele, joalo ka motho ea oeleng, ho ngala naha, a khutla le . . .Ke bolela Naomi, 'me a khutla le Ruthe. 'Me ha Ruthe a khutla, e ne e le . . .homme oa naha ea Moabe. 'Me ha a khutla, e ne e le moMoabe; e le sets'oants'o se setle sa Monyaluoa oa Molichaba, oa Kereke.

⁶⁵ 'Me ha a se a tla siea Naomi, Naomi a mo laea, ho re, a mo aka a mo laela ho khutlela sechabeng sa habo. A re, "Ke tla ea le uena sechabeng sa heno. Sechaba sa heno e tla ba sechaba sa heso, 'me leaho la hao e tla ba leaho la ka, Molimo oa hao e tla ba Molimo oa ka, 'me ha ho letho le tla re arohanya haese lefu feela. Moo u tla shoela teng, ke tla shoela teng le 'na. Moo u tla epeloa teng, ke tla epeloa teng le 'na."

⁶⁶ Joale ke seo sets'oants'o sa Kereke ea Balichaba e kenang ka ho Krete. Hobane, pele re ne re le basele re le hole le Molimo, e le baJuda feela ba—ba neng ba ka pholoso. Empa rona, ka ho ichoella ka ho Krete, re fetoha Peo ea Abrahamama 'me re majalefa ka pallo, 'me Krete o ile a nka Monyaluoa oa Molichaba. Hoo ke 'nete hantle.

⁶⁷ Joale ho lopolla; Boase ho ka lopolla lefa le lahlehileng la Naomi; ao e ne e le maemo a Iseraele e khutletseng morao. Eaba Moabe—Moabe o lokela ho tsoa, 'me ha a tsoa . . .Boase, ke rialo, 'me eitse ha a tsoa, a lokela ho rola seeta sa hae ka pela likhoro, pela baholo, ho paka phatlalatsa hore o lopolotse mosali eo ea lahlehileng lefeng la hae. 'Me ka ho etsa hoo, eaba o boela areka, hape, a fumana monyaluoa oa hae mono, mosali eo a—a neng a 'matla. O ne a lokela ho lopolla mosali pele, ho fumana monyaluoa. Na ha le bone?

⁶⁸ 'Me ke eona ntho eo Krete a e entseng. O pakile phatlalatsa likhorong tsa Jerusalema, mohla A ne a otloa, a tetekoa, a hlokoatsoa, le ho huleloa Kalvari, ho ea Kal- . . . leralleng la Golgotha. Le ho kolobisa leralla ka Mali a Hae ka Sebele, e le bopaki ba phatlalatsa ba hore O lopolotse lefa lohle le oeleng ho tlhoa morao koana ts'imolohong, 'me o lopolotse batho ba Hae thohakong ea sebe le litleneng tsa Lihele.

⁶⁹ 'Me ka ho tseba hobane o tla hloka ntho e kholoanyane matsatsing a qetelo, ho feta eo a nang le eona joale, O itse, "Nke ke ka le tlohela le se na mots'ilisi. Ke tla rapela Ntate 'me O tla le fa mots'elisi e mong, e leng Moea o Halalelang. 'Me O tla lula le lona kamehla. Ho se ho se hokae lefats'e ha le sa tla Mpona; empa Ke nyolohela Leholimong ho hlophisa ntho ena, 'me Ke tla khutla le ho ba le lona, le ka ho lona, ho isa lipheletsong tsa mongoaha." Ke sona seo ke buang ka sona. Le sa ntse le nkutloa na? E reng, "Amen." [Phutheho e re, "Amen."—Mong.] Ke hantle. Ke sona seo ke buang ka sona joale, ke Eena ea boelang a khutla ka matla a Hae.

⁷⁰ Esale mengoaha e thetheha, "Oh, ke Mang Eo?" Banna, hoseng hona, ba nahana ka nthoana e itseng e rapeloang, sejelonyana se sa tsebisahaleng ka ntle mono, nthoana e itseng e. . . Ntho eo, ha kea nahana ka ntho eo.

⁷¹ Ke nahanne ka Kreste, ts'epo ea Khanya, ka hara lipelo tsa rona hoseng hona, ka Moea o Halalelang. Ho lokile.

⁷² Oh, ho ahloloa ke lefats'e! Ha esale Molimo a tla lefats'eng; ha A etsa joalo, lefats'e le ne le Mo hloea. "Joalo ka matsatsing a Nooe, ho tla ba joalo ho tlang ha Mora Molimo." Re letsatsing leo, metsoalle.

⁷³ 'Me joale le lemohe, "Ho se ho se hokae lefats'e ha le sa tla Mpona; empa lona le tla Mpona, hoba Ke tla ba le lona, le ka ho lona, ho isa bofelong ba lefats'e." Ke hantle. O teng mona hona joale. 'Me matsatsing, kamoo sets'oants'o sa Hae se sehlo se likolohang le ho fetisa ntho e ts'oanang le eo re e bonang joale. Terama e kholo e hlophisitsoe, 'me re itokiselitse ho bona ho etsahala lintho tse kholo.

⁷⁴ Kereke e tlositsoe moalong oa masea. Ho lokile. Pentekosta e ne e kolokoteha tlase mono, lilemong tse 'maloa tse fetileng, morao koana mohla batho ba ne ba betsa ka majoe 'me ba soma, le ho ts'ehuo, empa e holile e phethehile joale. Ke hantle naholo. Hora e fihlile. Allelua! Ke hantle. Ke sona seo ke se thahasellang, ho bona Kereke ea Molimo e kopana 'moho joale. Re otliloe ra batoa *mona*, le ho batoa *mane*, empa ho tla hora eo Molimo a re khurumetsang bohle ka kobo, ho re hulela ka hare, hoba sera se monyako. Allelua! E, monghali. O boletse, 'me joale ka batho ba Hae, Daniele o itse, "Lintho tse kholo tsa matsatsi a qetelo, mohla ho etsahalang tsena, banna, batho ba tla hapa likhapo tse kholo mehleng eo, banna ba tumelo ba tla li etsa, ka letsatsi leo."

⁷⁵ 'Me joale ho fihlile hora eo terama e kholo, sets'oants'o sa Molimo se hlophiloe, sa pula ea hoetla. Joele o itse, "Matsatsing a bofelo, ka mora tseo Ke tla ts'ollela Moea oa Ka holima nama eohle; 'me bara ba lona le barali ba lona ba tla porofeta. Ke tla ts'ollela Moea oa Ka holima bahlanka ba Ka le makhabyane. 'Me Ke tla etsa mehlolo holimo maholimong,

le liponts' o tlase lefats'eng, le litopallo tsa mollo, le mouoane oa mosi. Ka mora tseo, pele ho letsatsi le leholo le ts'abehang la Morena, hore bohle ba tla bitsa Lebitso la Morena ba tile ba bolokehe.”

⁷⁶ Jesu o boletse mono, “Lintho tsena tseo Ke li etsang, le tla li etsa, le tse kholo ho tsena, hobane Ke ea ho Ntate.” Allelua! Allelua! Seo A se buileng mono ke sena, ka hara—ka hara e—e Lentsoe morao mono, ho re, “Ha le lula ho 'Na, le Lentsoe la Ka le lula ho lona, le ka kopa seo le se ratang 'me le tla se fuoa.”

⁷⁷ Lilemong tse 'maloa tse fetileng, batho ba lulang ba ka mathoko mona ba itse, “Lona batho ba tabernakele holimo mono le bathethehi ba halalelang. Le ntho ena *eohle, eane*, le e *'ngoe*. 'Me lea hlanya!”

⁷⁸ Empa, oh, banna, ra 'na ra ema Lefikeng leo, le Tiileng, ho isa kolobetsong ea Moea o Halalelang, 'me joale matla a Molimo o Matlaohle a boptjoa kahara kereke, a fihla. Allelua! Ke shebeletse mohla Molimo a tlang ho sisinya ntho eohle, ka 'nqa tsohle. Moena, e se e ntse e sebetseha hona joale. E a tsoella. Ho lokile.

⁷⁹ BoMolimo ba Hae. Ke Mang? Bang ba bona ba Mo etsa leseba la mora o koana. Ke Eena Ea kileng a ema linthong tse sa bonoeng, oh, banna, kalana, a otlolla matsoho a Hae, le ho bua a re, “Leseli a le be teng,” 'me leseli la eba teng. Eo e ne e le Jesu Krete. “Hoba O ne a tlile lefats'eng, 'me lefats'e le entsoe ke Eena, 'me lefats'e ha lea ka la Mo lemoha.” O ne a . . . Ke Eena BoMolimo ba Molimo. Shebang seo A se entseng morao mane. U bua ka mohlolo morao mono; u bua ka litlatse? Mohla A ne a etsa mehloho, ho bopa lintho tse leng teng joale, ka lintho tse neng li sieo, A bua 'me ha eba joalo.

⁸⁰ 'Me oona Matla ao, eena Krete eo! Allelua! E re batho ba thutamotho, e re batho ba latolang Matla a Molimo, ba re E phoso, empa oona Matla a bopileng lefats'e ka lentsoe a ka hara batho bao ba nang le Moea o Halalelang. Ke hantle. Banna le basali, ke nako ea hore re iphumane hore le bo mang. Liabolosi o leka ho le pata morao koana, ho le bolella ha le le bathoana ba boi. Ha le joalo. Le bara le barali ba Molimo. BoMolimo ha bo Leholimong; bo ka ho lona. Allelua! Kea tseba le nkuka ke hlanya, empa ha nke ke u bolelle taba, moena. [Moena Branham o kokota hararo sefaleng—Mong.] Ha u elelloa hore Molimo o Matlaohle o phela ka ho uena; Bosafeleng bo sa shoeng, “Ke fana ka Bophelo ba Ka, Zoe.” Bophelo ba Molimo bo ka ho motho.

⁸¹ O na a eme morao mono, Ke 'Mopi oa lintho tsohle. O entse bophelo; linqaqane, oh, linots'i, matata, likhoho, liphoofolo, a bopa lintho tsohle. “Me ha ho letho le entsoeng ka ntle le Eena.” Mang? Krete, BoMolimo! “A lihela lokotlo, le lintho

tsohle mehlang ea Egepeta.” Mang? Krete! “A thiba me—melomo ea tau. A tima bohale ba mollo. Ba phema bohale ba sabole. Ba tsosa bafu mabitlang.” Mang? Krete! Oh, banna, e tla ba eng! Ke Mang? Krete, BoMolimo!

⁸² 'Me, moena, khaitsetsi, BoMolimo boo bo ka ho lona. “Ho se ho se hokae 'me lefats'e ha le sa tla Mpona. Empa lona le tla Mpona, hoba Ke tla ba le lona, le ka ho lona, ho isa bofelong ba mongoaha.” Krete ka sejong? Che. Krete ka ho lona! Allelua! Ha re rapele Krete ka sejong, empa Krete ka ho lona, Moea o Halalelang, ts'epo ea Bophelo, allelua, 'Mopi, Molimo o lulang ka ho motho ka sebele sa Hae. “Ha ho eso bonahale seo re tla ba sona, empa re tla 'Mona ka moo A leng kateng.” Hoba re tla etsoa ka sets'oano sa Hae, Moea o ka ho motho.

⁸³ Ha ho sebaka sa Hae. Batho ba tikoloho ena ba re ba—ke ba Krete, kereke ea bona ke ea Krete, ba kena... 'Me bosiuang ba maobane ho etsahetse'ng? Ba phuthulutse limpho tsa bona tsa Kresemose. Ha re boneng ho ea joang ka ntate; teng ho na le...ka tlasa sefate sa Kresemose, tsa banna ba bangata, bosiuang ba maobane, kae-kae ho lutse lekesehali la biri. Ha ho sebaka sa Jesu; ke sa biri kaofela. Ha ho phuthulloa limpho tsa 'me, qubu ea likarete. Ha ho sebaka sa Krete; likarete. Ke hantle. Bakeng sa Bibe e nyenyane kapa ntho e itseng ea bana, ke bukana ea G-man, kapa nthoana e joalo. Ha ho sebaka sa Jesu. Bakeng sa ho ea kerekeng, ba ea ponts'ong, metjekong, nthong tsohle, 'me ba ipitsa BaKrete.

⁸⁴ Moena, ha BoMolimo ba Molimo, ka Moea o Halalelang, bo kena pelong ea motho, Bo leleka ntho eohle eo Krete a sa kang a e bopa. Lea tseba hoo ke 'Nete.

⁸⁵ Molimo, Krete, ts'epo ea Khanya, ka ho lona! E seng holima bethe ea lesea; ka ho lona! Mono ke ka nako e 'ngoe, Molimo o ne a le teng morao koana ts'imolohong, eaba O kena ho Moshe, A kena ho bana ba Iseraele, A kena betheng ea lesea. Empa joale ba ee ba Mo rapele morao koana eka selo-sepheli sa mehla ea pele ho histori; athe, Krete o ka ho lona! Ke enoa moo A leng teng, kajeno, Mora Molimo a tsamaea a nyoloha, Kereke ea Hae e kholo e a tsamaea.

⁸⁶ Kajeno kereke e ts'oara lisophoro tsa meapeho, lisophoro tsa liphae, ho bona ea ka aparang hantle ho feta ke mang, ho ea kerekeng ka mabekebeke, tlotla, ea nang le kereke e fetisang, litulo tse ntle, ea ka letsang *hona*, ea ka etsang *hoane* ke mang. 'Me ha ho sebaka; ka linako tsohle ba na le ntho eo ba ka e etsang ntle le thapelo. Ha ba sa khona ho rapela le ka mohla. Ba na le ntho eo ba e etsang; ha ba sa khona ho rapela. Ha ba sa khona ho rata, ho sebeletsa Molimo joalo kaha ba ne ba tloaetse. “Ha ho sebaka sa Hae tlung ea baeti.” 'Me ena ke

nako ea qetelo, motsoalle. “Ha ho sebaka sa Hae tlung ea baeti.” Ehlile, ke tseba seo ntlo eo e neng e se bolela, empa ke lebisitse bofelong bona.

⁸⁷ Empa Bible e itse, “Ka letsatsi leo, ha sefate sa amanda se thunya, takatso ea batho e tla pona; hobane o ea lehaeng la hae la khale, ‘me balli ba solla literateng; kapa khole ea silifera e khaoloe, kapa nkho e pshatlehe selibeng.” Oh, mohau, motsoalle oa ka!

⁸⁸ Empa moporofeta o boetse o itse, “Leseli le tla chaba nakong ea mantsiboea.” Ke hantle. Tsela ea Khanya le tla e fumana ruri. Ke hantle. Nako ea mantsiboea e fihlile. Kereke joale, eo pele e kileng ea apesoa boiphihlelonyana bo kang boo re bo fetileng ba sejelo, joale e fihlile sebakeng seo batho ba elleloang hore BoMolimo le Matla a Molimo o Matlaohle a ahile ka ho motho.

⁸⁹ Oh, moena, khaitseli, e reng ke bue le lona, ka Lebitso la Jesu, hoseng hona. Na le sa ntse le nkutloa? [Phutheho e re, “Amen.”—Mong.] Oh, banna, e reng ke le bolelle taba!

⁹⁰ Ho tla nako eo banna le basali ba batlang ba ts’oana. Ba apara ka ho ts’oana hona, ha u sa khona ho khetha e mong ho e mong. Ke hantle. Ntho tseo tsohle tse ka hara Bible, ho itsoe li tla etsahala, li teng mona. Ke hantle. Le a tseba eo ke ’Nete. Na ke ’Nete? [Phutheho e re, “Amen.”—Mong.] Na ke ’Nete? [“Amen.”] ‘Me ke eona, ke ’Nete. Ba its’oere ka ho ts’oana, ba a ts’oana, ba rohakana ka ho ts’oana, ba bua ka ho ts’oana. Bible e itse ho tla ba joalo. [Moena Branham o kokota hararo sefaleng] O itse, “Matsatsing a qetelo, ho tla hlaha linako tse bohloko. Batho ebe baithati, ho feta ba ratang Molimo; ba se nang ho ts’epeha, ba etsellsang.” Na e teng mona? [“Amen.”] Ke hantle.

⁹¹ Oh, thorisano ho Molimo! Ke utloa ho thetheha ntho moeeng oea ka! Banna, oh, ha ke sheba ka ntle mona! “Joalo ka mehleng ea Nooe, ho tla ba joalo ho tlang ha Mora motho.” Nooe o ne a ena le bats’epehi ba ’maloa tsatsing leo. Molimo o na le bats’epehi ba ’maloa kajeno. [Moena Branham o kokota hararo sefaleng—Mong.] Hora ea tla, terama e kholo ena e hlophiloe.

⁹² Banna le basali, ha Moea o Halalelang o lutse ho lona, Krete ea tsoetsoeng lilemo tse makholo a leshome le metso e robong tse fetileng o fihlile bonneng. Ha A ka a lula betheng ea masea.

⁹³ ‘Me kajeno, sehopotso seo sa letsatsi la tsoalo ea Hae, ba etsa’ng? Ba nka sefate sa mofuta, ba se khaola, ba etsetsa bana sefate sa Keresemose. Empa ba nahana... Ho itoketse; ha ke rahake ntho eo. Empa ntho ke ena, ba its’etleha sefateng sa Keresemose haholo ho feta ho Krete.

⁹⁴ Kris Kringle o hohle naheng. E ne e le mang? Mojeremane, mohalaleli oa Mokatolike oa lilemong tse fetileng,

monnamoholo a na tsamaea a etsa ho lokileng. 'Me kajeno e batla e le borapeli. Ke hantle. Ho lokile ho bolella bana, kapa seo le batlang ho se etsa, ho ea ka 'na. Empa ntho ke ena, ho bonolo ho oela molubalubeng oo o ka lehlakoreng le leng, le ho sutumeletsa Kreste ka ntle, metho ea 'nete ea Kreste, ea Keresemose. 'Me batho ba amohela Kris Kringle sebakeng sa Keresemose ea 'nete, ho lokile, "Ha ho sebaka sa Hae tlung ea baeti."

⁹⁵ E se e takiloe eohle, hola re ne re na le nako. Kea tseba nako ea tsamaea, 'me nako ea tsamaea.

⁹⁶ Empa shebang, metsoalle, hora e fihlile, 'me ke hona joale, moo terama e kholo ea Molimo e beiloeng pela rona mona. Mora Molimo, ea neng a le betheng ea masea, o ka pelong joale. Ke eena BoMolimo ba Molimo. Ke Molimo, 'Mopi. O itse, "Lintho tsohle. . . O na a le lefats'eng, 'me lefats'e le entsoe ke Eena, 'me lefats'e ha lea ka la Mo tseba."

⁹⁷ 'Me, kajeno, ke bona bothata ka kereke. Ts'epo ea Khanya, kolobetso ea Moea o Halalelang, e kene lipelong tsa batho, 'me ha ba lemohe seo E leng sona. Ba hopola e le boingoliso-nyana ba kereke, kapa ntho e kang eo.

⁹⁸ Empa ke Molimo, 'Mopi, ea lulang ka ho lona, le ho le abela Matla oohle. Homme le ruile sohle seo A kileng a ba le sona. Ka lebaka leo E ka ho lona hore le tle le tele bokhopo, ho etsa ho lokileng, ho phema bokhopo le ho balehela ho lokeng, ho furalla moleko. Lonya lohle, lehloeo, khang, mona, le lintho tse joalo, le li furalle, hoba hoo ho tla Mo leleka pelong tsa lona. Ha le ka Mo amohela, le Mo kopele ka matsoho le Mo rate, le be le Mo boloke pelong tsa lona le Mo rate! Nka le bolella, kereke e kopaneng ka Matla a mofuta oo, e na le Matla a ho tlama maholimo, ho folisa bakuli, ho tutubolla mahlo a lifofu, allelua, litholo li bue. . . limumu li bue, le litholo li utloe, liritsa li tsamaee, lifofu li bone. Hobaneng? E eelloa Matla a Molimo o Matlaohle ka pelo tsa lona. Ke Eena eo, BoMolimo.

⁹⁹ Le a Mo rata? [Phutheho e re, "Amen."—Mong.] Ha ho makatse ha seroki se itse:

Mohau o makatsang! Mololi o monate,
O pholositseng ea soto joalo ka 'na!
Ke na be ke lahlehile, empa joale ke fumanoe,
Ke le sefofu, empa joale ke a bona.

¹⁰⁰ Moena ea ratoang, khaitseli, ha u se na kolobetso ea Moea o Halalelang, hoseng hona, mathela 'Musong oa Molimo ka potlako eo u ka e khonang. Nako ea ho ts'oea e fihlile. Sera se kene joalo ka moroallo; O emisa folaga khahlano le sona. Ke terama e hlophiloeng. Ruri kereke e ea hae. U ke ke ua 'na ua lieha, motsaalle. Ha u sa na nako ea ho 'na u lieha. U mpe u tle esale joale. U mpe u e etse hoo kajeno, ke hantle, "ho sa thoe kajeno ke kajeno." E etse hona joale.

¹⁰¹ Hopolang, metsoalle, e ka bonahala e sa tloaeleha. Lefats'e ha le a... Borapeli ba Kreste ha bo e-so ka bo tuma. Kamehla bo ne bo sa tuma, litsela tsa Molimo, hobane liabolosi ke "khosana ea matla a sebaka." Mebuso eohle ke ea hae! 'Muso o mong le o mong o laoloa ke liabolosi, ho latela Bibehe. Liabolosi o boletse joalo. Ke hantle. O laola mebuso eohle.

¹⁰² 'Me hape Bibehe e itse, "Thabang, lona Mangeloi ohle a halalelang, le lona bahalaleli holima lefats'e; hoba mebuso ea lefats'e lena e fetohile mebuso ea Molimo oa rona, le ea Kreste oa Hae, 'me ba... O tla busa." [Moena Branham o kokotile hararo sefaleng—Mong.]

¹⁰³ Satane o ile a isa Jesu thabeng, ho Mo bonts'a mebuso eohle ea lefats'e, ho re, "Ke ea ka eohle, 'me ke tla U fa eona."

¹⁰⁴ 'Me Jesu a re, "Tloha, Satane." Ke hantle. O ne a sa tsotelle...

¹⁰⁵ A re, "Holane 'muso oa Ka, ke oa lefats'e lena, Ke ne ke tla bitsa diligione tsa Mangeloi; empa 'Muso oa Ka hase oa lefats'e lena, empa 'Muso oa Ka o Leholimong."

¹⁰⁶ 'Me O itse, "'Muso oa Molimo o tla ba ka ho lona." Ka baka leo liligione le matla, le ts'ehetso ea Mangeloi a Halalelang (allelua) li ka ho lona, hoseng hona, ka BoMolimo ba Kreste, ka kolobetso ea Moea o Halalelang. E, monghali.

¹⁰⁷ U mang, hoseng hona? [Moena Branham o opa liatla tsa hae habeli—Mong.] Kreste Jesu ke Mang? O ka ho lona ka boholo boo le tla Mo lumella ka bona. O hatella ka matla, ho leka ho kena ka ho lona, ho kena ka ho lona kajeno. 'Me le eme thoko le ho ipotsa, le ho sheba le ho nyarela, le ho lieha nakoana. Le se ke la etsa joalo. Kenang sefubeng sa Molimo. Hora e fihlile. Allelu!

¹⁰⁸ Oh, kamoo ke Mo ratang kateng! O tla khutla le leng la matsatsi ana. Ke batla ho 'Mona. Lona ha le batle? [Phutheho e re, "Amen."—Mong.] Ke batla ho 'Mona. Ke lumela re tla 'Mona. Lona? ["Amen."] O teng mona hona joale. Matla a Hae a tsamaea.

¹⁰⁹ Ho etsang batho ba lle ba hoeletse ke'ng, ho tsoella? Molato ke'ng? Ke Moea o Halalelang o tsamaeang ka ho bona. Hola feela ba ka eelloa le—le ho Mo kopela ka matsoho! Ho kopela Moea o Halalelang ka matsoho, ho Mo lumela, ho Mo kopela sefubeng sa hao. Phelang hantle, le se ke la etsa letho le ka Mo sitisang. E reng, "Oho Morena Jesu, ke batla Uena. Ke batla ha U ema le 'na. Le 'na ke tla ema le Uena, Ntate." 'Me ha le etsa joalo, O hatella ka matla ho kena ka ho lona. O batla ka hare ka mono. O le hulela ho Eena, ka linako tsohle.

¹¹⁰ Joale, metsoalle, kea tseba hoo ke 'Nete. Kea tseba batho ha ba lemohe le bo mang? Motho e mong le e mong ka mona a ka phela a phahamela sebe, a phela a se na sebe, ho phela ho

Molimo. U tla etsa liphoso, empa Mali a Kreste a tla u ts'oarela. "Ntate, ba ts'oarele, hobane ha ba tsebe seo ba se etsang." Na ho joalo? [Phutheho, "Amen."—Mong.] Oona Matla ao a Kreste ea na fehiloe sefapanong sa Kalvari, oona Molimo o Mo tsoitseng ka letsatsi la tsoho, o ka ho lona joale, lona ba nang le Moea o Halalelang. [Moena Branham o kokotile hararo sefaleng] Oh, ha le Mo rate na? Oh, banna! Utloang Lentsoe la Hae ha le bitsa kajeno.

¹¹¹ Mo atametseng haufi le sefuba sa lona, le ho re, kapa haufi ka hara sefuba sa lona, le ho re, "Joale, Morena Jesu, ke batla ke fapane hanyenyane, haesale tsatsing lena la Keresemose kea elelloa hore U Mang joale. Pele ke ne ke U rapela joalo ka lesea sejelong. Ka U bona morao koana u le thakanyana le le nyenyane, lilemong tse makholo a leshome le metso e robong tse fetileng, 'me ka nahana, 'Oh, hola ke ne ke khona ho nyolohela Jerusalem!'"

¹¹² Kajeno, ba nka lipasa le ntho tsohle, ho nyolohela teng—teng betheng ea lesea, holimo moo A hlahetseng teng, sejelong sona seo. Empa, metsoalle, hase holimo *mono* moo A hlahetseng teng; ke hantle *mona* moo A hlahetseng teng. Molimo o Mo theoletse ho e mong le e mong oa rona, 'me Boleng ba Hae bo phelang bo ahile ka ho rona. Oh, 'Mopi, ntho e bopileng tse lefats'eng, le ho bopa maholimo, ho bopa lefats'e, ho bopa motho, o ka hara motho e mong le e mong ea nang le kolobetso ea Moea o Halalelang kajeno. [Moena Branham o kokotile hararo sefaleng—Mong.] Ke eona taba, ke sona sephiri, amohela Moea o Halalelang. O ka ho lona. Ke ts'epo ea Khanya.

¹¹³ 'Me le shebe mona, ka hara Testamente ea Khale, joalo kaha ke buile ka eona hangata, ha ho etsoa selekane, se ne se taboloa ka lehare, holima setopo sa phofole e shoeleng. 'Me lilekane tse peli tseo li lokela ho hokanngoa, selekane seo se ne se tlameha ho nyalana le se seng.

¹¹⁴ 'Me, kajeno, Molimo o entse selekane. E se kahobane u ne u lokile, e se kahobane u ngolisitse kerekeng, e se kahobane u bile le seemo se setle sechabeng. U ka loka haholo, ua phela bophelo bo hloekileng, ua ea kerekeng letsatsi ka leng, ua etsa sehlabelo letsatsi ka leng, ua nehela ka karolo ea chelete ea hao, ua tela libe tsohle tsa lefats'e, le ntho tsohle, 'me ua phela ka 'nete le ka bots'ephehi kamoo u ka khonang, 'me u tla fosa Leholimo hakaalo kaha Bochabela bo le hole le Bophirimela. Ke hantle. Ha re pholosee ka ho etsa hantle, empa re rekiloe ka mohau oa Hae, Molimo o ne a batlile ho etsa bara le barali. Ha ba etsoe ke ho loka. Ba etsoa ke Moea oa Molimo. Holane ha ho joalo O ne a sa tl'o tlameha ho romela Moea o Halalelang.

¹¹⁵ Moea o Halalelang o ka phetheha joang ntl-...kapa e—e selekane se ka phetheha joang? Jesu o itse, "Ke tla tsamaea,

empa Ke tla khutla hape; le ho ba le lona, le ka ho lona. Ho rapela Ntate, 'me O tla le fa Moea o Halalelang. O tla lula le lona, kamehla."

¹¹⁶ 'Me batho ba ngola lebitso la bona libukeng tsa kereke, ho leka ho phetla leqephe le lecha ka letsatsi la Keresemose, ho leka ho theohela mono kerekeng le ho isa hlomphe e seng kae sejelong mono morao koana. Athe, Moea o Halalelang o susumeletsa ka hare hohle, ho leka ho fumana... 'Me lefats'e le ba fofalitse hoo ba nyolohelang mono ho re, "Che, seo ke sekhakhatha sa bathethehi ba halalelang." Joalo ka ha ho bile mehlang ea Nooe, ho joalo le hona joale.

¹¹⁷ Ho tla ha Mora Molimo ho haufi! Ke hantle. 'Me ke bao feela ba hlasimolotsoeng ke Moea o Halalelang, ba nang le Bophelo bo sa shoeng ka ho bona, Moea o Halalelang, ke oona feela mofuta o tla huloa o nts'oa mona, ka ho tiea ruri.

¹¹⁸ Ho ne ho ena le ntho e 'ngoe ka arekanyana eo ea khale, mehlang ea Nooe, e ileng ea phaphamala holima metsi. E ne e le matla a hulang a tsoa Holimo. Ho ena le leseli ka holimo, Khanya ea Molimo e phatsima ho tsoa Leholimong, ho theohela holima phaposi eo e ka holimo.

¹¹⁹ 'Me kea u bolella, kajeno, motsoalle, utloa lentsoe la ka. Ho na le Matla a hulang, e seng ho tsoa kerekeng, e seng ho tsoa ho molisa, empa ho tsoa Khanyeng, kolobetso ea Moea o Halalelang o theohang o tsamaea ka mochoporo oo o nepahetseng, ho hulela Kereke holimo! Ke eng? Matla a Molimo, katamelo Bopheleng ba Hae, *Zoe*.

¹²⁰ "Lintho tsena tseo Ke li etsang le a li etsa le lona, le tla etsa etsa le tse kholo ho tsena." O ne a hlorisoa, ho ts'ehuo, ho songoa, 'me a shoa, le ho kena lebitleng. Empa O ne a ts'epahala, A ena le Moea oa Molimo ka ho Eena, 'me Molimo oa Mo tsoa. Ha re tsamaea ka mokhoa o ts'oanang, re boela re tsoa ka ho ts'oana. Oh, allelua! Ke a Mo rata!

¹²¹ Le sa ntse le nkutloa? [Phutheho e re, "Amen."—Mong.] Le a Mo rata? ["Amen."] Le Mo rata ka pelo tsohle tsa lona? ["Amen."] Na ha A babatsehe? ["Amen."] Oh, banna!

Leihlo le bone, tsebe e utloile, se ngotsoeng

Lentsoeng la Molimo;

Ha A babatsehe, ho babatseha!

Ha re inamiseng lihlooho tsa rona.

¹²² Ntate ea Maholimong, oho Jesu, ke lebeletse hora e kholo. Ke e bona e tla. Ke bona ho se na ts'epo kae kapa kae. Ke bona mogoaha o nyoloha. Ke bona mabone a maholo a mafubelu, a bokomonisi, a solla hohle holima lefats'e. Ke bona likereke tse hlaphiloeng li emisa folaga ea tsona khahlano le Kereke ea Hao, ho leka ho ba ahlola, ho re, "Pholiso ea khalalelo e fosahetse. Ke bohlanga bo boholo." Molao o ka hara Ntlu ea rona e Ts'oeu, ho E koala.

¹²³ Oh, empa, Molimo, tsatsi le leng, ha ke lutse mono 'me ke bona batho bao ba halalelang, bohle ba khants'itsoe ke Matla a Molimo, ke shebile lifahleho tsa bona 'me ke bona khanya ea Molimo! Ba ka ts'oana le bana ba Baheberu seboping sa mollo. [Moena Branham o kokota makhetlo a 'maloa sefaleng—Mong.] “Re ke ke ra khumama. Che. Molimo oa rona a ka re loela. U tle kapele, Morena Jesu.”

¹²⁴ 'Me ke bona hora e fihla, mohla, “Sebopeho sa borapeli seo batho ba nang le sona, empa ba latola Matla a jona; ba joalo u ba furalle.” U boletse, Moea ha o bua ka matsatsi a bofelo. 'Me ke rona bana letsatsing leo, kajeno.

¹²⁵ Kereke ea rona ke ena e lutse mona, Morena, banna le basali bao ke lumelang ba U rata. 'Me kea rapela, Molimo, hore Moea oo o nong o tlatsitse lipelo tsa ba bangata, mehleng e fetileng, o tla tla ka botebo joale, ho kena ho feta. Ba ke ba lahle lonya, khang, ntho e 'ngoe le e 'ngoe e sa ts'oaneng le Uena, le ho nyoloha ka potlako. E seng ho ea sejelong, empa ho ea Kalvari. E seng joalo ka ho ea Kalvari hantle-ntle, empa ho Kreste, ts'epo ea Khanya, BoMolimo ba Molimo, botle ba Molimo, Matla a Molimo a pelong ea rona joale, ho leka ho re hula linthong tsa lefats'e, A tle a khone ho re nts'a lefats'eng lena tsatsi le leng, ho ea Lefats'eng le molemo. Molimo, fana ka sena kajeno. Utloa thapelo ea mohlanka oa Hao, le ho bua le batho.

¹²⁶ Ha ho ena le ea timetseng, ka mona, ea se nang Moea o Halalelang, ba ke ba amohele ho Uena, hoseng hona. Fana ka sena, Molimo o ratehang, hoba re e kopa ka Lebitso la Mora oa Hao ea ratehang ea ratoang, Jesu; Eo lilemong tse makholo a leshome le metso e robong tse fetileng a hlahetseng sejelong, Eo lilemong tse mashome a mararo le metso e meraro hamorao a utloileng bohloko Kalvari, ka baka la libe tsa rona, Ea nyolohetseng Holimo, matsatsi a 'maloa morao ho moo, matsatsi a mashome a mane hamorao. A nkeloa Khanyeng, a ntoo boela a khutla matsatsi a leshome hamorao ka Matla a Moea o Halalelang, 'me joale o phela ka hara Kereke. 'Me kapele, ka oona Matla ao a Mo tsositseng, Moea o Halalelang ka hara Kereke, ho e nts'a. Oho Molimo, tloo, na U ka tla, le ho pholosa Kereke? Hoba re e kopa ka Lebitso la Hae.

¹²⁷ Le sa inamisitse lihloho tsa lona, re tla bina, *O A Bitsa Kajeno*. Ha ho ena le motho ea se nang Kreste mona, a se na Molimo, a se na ts'epo, na u ka tla joale?

O a bitsa kajeno!

O a bitsa kajeno!

Jesu o a bitsa,

O bitsa ka mosa kajeno.

Jesu o bitsa ka mosa kajeno,

O a bitsa kajeno!

128 Na ha u na Molimo kajeno, ha u na ts'epo, ha u na Kreste? Na u elelloa...? ...hore ha u na bophelo bo phethehileng ba Lentsoe la Molimo? Na u ke ke ua tla?

... hole koana,

Ho bitsa, O a bitsa kajeno!

O a bitsa kajeno!

Jesu o a bitsa kajeno,

O bitsa ka mosa kajeno.

129 Mamelang, Ntate o teng mona 'me O—O batla ho le pholosa, ha eba le sa pholoso. Ha ke le tsebe; 'na. Empa, mamelang, metsoalle, ke batla ho le tsea ho hong hoseng hona, le sa eme mona. Ke batla le koale mahlo a lona. Ke batla le theole kharetene mona 'me le shebe sebakeng se seng. Re tl'o nka leeto le le nyenyane, hoseng hona, joale a sa ntse a letsa pina eo. Ke tlil'o theola kharetene, bakeng sa bao ba lutseng ka hara tabernakele ena, ba bacha le ba baholo, le bohle.

130 Ke tla nyarela menyako ea Lihele, nakoana, hoseng hona. Tlase mono ba tseba hore ke nako ea Keresemose holimo mona. Ba tseba seo ba se entseng ka nako ea Keresemose. Ba bang ba bona ba noele, bang ba bona ba hloahloaela hohle, ba bang ba le kerekeng, ba bang ba soma, ba bang ba nyefola. Hola sebopelo se masapo sena, se khokhobang se ka boela sa khutlela monyako ona oa kereke ena hoseng hona? Lea tseba, Keresemose e tlang u ka ba mono. U ka ba mono selemong, Keresemose e latelang. Empa, hopola, u sebetsana le meea ea batho; u sebetsana le lintho tsa semoea, 'me e mong le e mong oa lona o tlameha ho arabela Letsatsing la Kahlolo. Nka mpa ka ts'epahala feela. Nka re feela, ha u eso amohela Krete hoseng hona, O eme monyako o bulehileng!...? ...le ho mo ts'oara hampe?

131 'Me lona ba nang le Moea o Halalelang, le hopole, le tla ahloleloa seo le se entseng ka Oona. E ka 'na ea ba u amohetse Krete, ka Moea o Halalelang, empa u tla tsuoa; motho e mong le e mong o ahloloe ka mesebetsi a e entseng 'meleng oa hae. Hobane u amohela Moea o Halalelang, u entseng ka Oona? Na u sebile moahelani oa hao? Na u entseng lintho tse phoso? Ha u entseng joalo, hopola, nka qala bophelo ka bocha hona joale. E re, "Morena Jesu, kajeno, ho tloha joale, ke tla ba seo U batlang ke be sona. Kea elelloa hore eo ke karolo ea Molimo, 'me Moea oa Molimo o phela 'meleng oa ka. 'Me ha eba ke—ha eba ke ne ke le phoso, U nts'oarele joale. Ke—ke batla ho tla hae. Ke—ke batla ho ntlafala."

132 Mo leke ka mono, hoseng hona, joalo feela. Phahamisetsa letsoho la hao feela, ho 'na, morao mono. E re, "Ke batla ho qala bocha kajeno, Moena Branham." Ke phahamisitse letsoho la ka, le 'na; ke tla qala bocha. Ke batla ho Mo etsetsa ho fetang hoo nkileng ka ho etsa! Ana le...?...

¹³³ E 'ngoe ea lipale tse bohloko ka fetisisa eo nkileng ka e utloa, ka nako e 'ngoe. Mofumahatsana, ke mofumahatsana ea manganga haholo. A lula lapeng le lokileng haholo; ka bua le eena ka o Kreste. E—e ntat'ae a re, “Ke mo lefella, botho, ba hae.” Sasaiti sefe? O tla kopana le batho ba maemo a mofuta oo kahobane a... Joale, le hopole, joalo ka sosaiti, le ka iphetolela nthong e bitsoang sethepu. Empa a fumane thuto e khabane ka ho feta. A se a le mothating oa ho phunyeletsa, a ea sosaiting, 'me a tsamaea le monna ea motle oa maemo a fapaneng. Lefu la fihla mofuta oa lefu la pelo. Tsohle etsoe, a ea sebakeng se seng.

¹³⁴ U ea kae hoseng hona? U lora ka'ng? Ha ke tsotelle ke sehlopha sa mofuta o joang, e mong le e mong oa lona, u tla ea Bosalefeleng ka le leng la matsatsi ana. 'Me ntle le Kreste, ntle le Moea o Halalelang, moea oa hao o lahlehile. Hopola taba eo.

¹³⁵ U ke ke ua kopana le hoo haese ka ho amohela Kreste feela, ka Moea o Halalelang. Ha A le ka ho uena, Ke Matla a Molimo. Phela ka Oona. Ke Molimo ka ho uena. Bibe le itse, “Le fetoha melimo.” E holima Ka, oho Molimo.” Eaba Jesu o re ho...

Bafarasi mono, ba re, “U Iketsa Molimo.”

Ho re, “Ha ho a ngoloa molaong oa lona, hore, ‘le melimo?’”

O entse Moshe molimo ho Faro.

¹³⁶ 'Me O u entse molimo ho batho. Ke hantle. 'Me lona, hoseng hona, le liepistole tsa Molimo tse baloang. E—e maphelo a lona ke a Molimo, 'me a bile a jarile Moea o Halalelang.

¹³⁷ Shebang mona, metsoalle, taba ena e se ke ea le feta. Le se lumelle taba ena ho feta e le tumelo-khoela ea mofuta feela!...?...

¹³⁸ Ntate, re tla hoseng hona, joalo ka bana ba Hao ba ithobileng. Kea elelloa hobane—hobane re phela horeng ea qetelo, nakong ea ho koala, ntho e itseng e ka etsahala nako le nako. Banna, basali, bashanyana, kapa banana, mona, ha ba na Molimo. 'Me kea U rapela, Ntate, ho ba le mohau. Ke U rapela, ho hauhela bao ba amohetseng, 'me ba sa lemohe hobane U haufi, ka pelong tsa bona. Le ho elelloa hore linthoana tsa lefats'e, ka lithato, li a shoa. Ke a rapela, Molimo, hore motho e mong le e mong mona hoseng hona u tla inehela ka 'nete ho Uena, bakeng sa matsatsi a tlang ho latela, 'me ho sa tsoetelehe re tla lokela ho emela ho Khutla ha Hao nako e kae. Re lumela ho le haufi haholo joale.

¹³⁹ 'Me ka mora nakoana, batho ba leka ho bolokeha. Ke nahanne batho ba bacha bao bosiuung boo, tlase mono aletareng, ba leka ho bolokeha, empa ba se ba tlotse moeli. Ho se topollo bakeng sa bona; ho ne ho felile ka bona, ba ke ke ba bolokeha.

¹⁴⁰ Ntate, ke feela—ke U rapela feela ho ba hlohonolofatsa, e mong le e mong, re sa na le nako, Ntate, ba tle ba e amohele kajeno. Hoba re e kopa ka Jesu Kreste. Amen.

¹⁴¹ Ha re emeng. Ba ba kae ba Mo Mo ratang ka pelo tsohle tsa bona? [Phutheho e re, “Amen.”—Mong.] Na ha le batle ho huleloa haufi le Eena hanyenyane, ho Mo rata haholoanyane? Ha re bineng *Ke—Ke Nehela Tsohle*, ha re Mo phahamisetsa matsoho a rona, hoseng hona, . . . ? . . . Le tla etsa hoo? Re fe lehlaso la eona mono, khaitseli.

Kea inehela, ke ne'la tsohle, (litloaelo tsohle
tsa hao, mekhoha eohle ea hao)
Ne'la, ke ne'la tsohle
Ho Uena, 'Moloki oa ka ea ratoang,
Ke ne'la tsohle.

Na le hlile le tiile?

Kea inehela, ke ne'la tsohle,
Kea inehela, ke ne'la tsohle,
Ho Uena, 'Moloki oa ka ea ratoang,
Ke ne'la tsohle.

¹⁴² Oho Ntate, eba le mohau. Re U rata, haholo, Morena. Ka le leng la matsatsi ana terompeta e tla lla. Mohlomong ke tla be ke le kae-kae masimong. Morena, ke tla be ke nahanne ka kereke he. Ha meea e qala e bobola, lefats'e le qala le ebesela. Ba bang ba re, “Molato ke'ng?” Maholimo a tlerefala, hora ea kahlolo e haufi. Ke tla nahana, “Oh, Moena Billy Graham o kae? O kae. . . Oh, ba kae.” Empa, Ntate, nakong eo, ka mora nakoana, re tla utloa molumo kamoo re e-so ka re o utloa o joalo pele, Terompeta; Mangeloi a letsa Terompeta. Oho Molimo, bao ba keneng phaposing ea lefu, ba tla tsoha. Kamoo mehoo e tla utloahala, “Molato ke'ng ka lefats'e? Ha re sa khona ho tsitsa. 'Me le se le kolokoteha.” Ebe moo re tla 'nkoa hammoho ho kopana le Eena sebakeng.

¹⁴³ Oho Ntate, ha lefu le ka re khaoletsa pele ho nako eo, ke bolela lefu la hlaho la karohano ea lefats'e lena mona, re ke re kene liphaposing, ka tumelo e sebetse, ho ithathela ka kobo ea Kreste, Moea o Halalelang. Tsatsi le leng re tla tlameha ho theohela mono, Ntate. 'Me kea lemoha ke tlamehile ho tsamaea tselana eo, le 'na. E robotse hantle kae-kae ka pel'a ka mono, horeng eo ke kenang phaposing eo ea lefu. Ha ke utloa ho baloa kahlolo ea ka, ha ke batle ho ea joalo ka lekoala. Ke batla ho tsamaea kamoo U tsamaileng, Morena. Ke sa leke ho ithatela ka kobo ea ka; empa ho thatela ka kobo ea Kreste, Moea o Halalelang, ho ithathela, joalo kaha Pauluse a entse, le ho re, “Lefu, tsenene ea hau e kae? Lebitla, tlhlo ea hau e kae?” Ho kena phaposing eo e lefifi hara bafu bao; ke mametse Lentsoe la Hae he, la Arekangeloi e tla letsa, 'me re tla bitsoa hara bafu, ho boela re kopana le baratuo ba rona.

¹⁴⁴ Oho Morena, ha re fosa hoo bophelong, bophelo ha ea ba letho ho rona; re hlolehile. Empa ha re fumana Eo Ea theko e thata pelong ea rona, e tla ba re fihletse morero oohle oa Molimo.

¹⁴⁵ Oh, kamoo re Mo ratang kateng, hoseng hona! MoKreste e mong le e mong, hoseng hona, a ke a bone pono kapele, Morena. Hora ea phirima joale, 'me ke U rapela ho re bonts'a pono le ho ts'oara Bophelo, kajeno, le ho phela ka mehla, hoba re e kopa ka Lebitso la Jesu. Amen.

¹⁴⁶ Lea ratana? [Phutheho e re, "Amen."—Mong.] Fetohang le tsukutlane ka matsoho, le re, "Molimo a u hlohonolofatse. Kreste a be le uena." Bakeng sa "Keresemose e monate," e reng, "Kreste a be le uena," ha le reteleha. Joale le se ke la tsamaea hona joale, retoloha feela 'me u re, "Kreste a be le uena." [Moena Branham o retoloha a re, "Kreste a be le uena," ho motho e mong.] "Tsohle . . ." Joale motsotso feela.

Ho Uena, 'Moloki oa ka ea bokoang,
Ke nehela tsohle.

¹⁴⁷ Khele, ke itse ke ka morao ho leshome le metso e 'meli. Ke ka morao ho leshome le motso o mong, 'me ke ne ke itse ke metsotso e mashome a mabeli ka mora leshome le metso e 'meli. Feela . . . [Khaitseli e mong o re, "Ha re luleng hora e 'ngoe."] Ho thoeng? Amen.

¹⁴⁸ Motho e mong le e mong o rata Morena? E reng, "Ho rorisoe Morena!" [Phutheho e re, "Amen! Ho rorisoe Morena!"—Mong.] Ha re ts'oareng e—e nthoana . . . feela . . . mantsoe a ka bang mararo kapa a mane joale a bopaki, a kang, "Ke rata Jesu." E reng feela . . . e seng ho feta moo. [Motho o re, "Ke rata Jesu."] Ke hantle. Motho e mong hape. [Batho ba bangata ba re, "Ke rata Jesu!"] Ke a Mo rata! Kea Mo rata! Oho Jesu!

Jesu, 'Moloki, ntsamaisa
Leoatleng le befileng la bophelo!
Maqhubu a sele a biloha ka pel'a ka,
Ntataise hara mafika, 'me U pholose moea,
'Mapa le kompase li tle . . .



BOMOLIMO BA JESU KRESTE SST49-1225
(The Deity Of Jesus Christ)

Molaetsa wona o tllileng ka Moena William Marrion Branham, o rerilweng tshimolohong ka Senyesemane ka Sontaha mantisoboya, Tshitwe, 25, 1949 mane Tabernakeleng ya Branham mane Jeffersonville, Indiana, U.S.A., o ntshitswe mabanteng a kgatiso a makenete mme o ngotswe o sa kgutsufatswa ka Senyesemane. Phetolelo ena ya Sesotho sa Borwa e phatlaladitswe ka 2004 ke ba ha:

©2004 VGR, ALL RIGHTS RESERVED

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.

Temoso Ea Tokelo Ea Qopitso

Litokelo tsohle li babaletsoe. Buka ena e ka porintoa ka porintara ea lelapa molemong oa motho eo kapa ea abjoa, ntle ho tefiso, e le thepa e jalang Evangeli ea Jesu Krete. Buka ena e ke ke ea rekisoa, ea boela ea hlahisoa ka bongata, ea manehoa leboteng la website, ea bolokoa ka tsela eo e ka boelang ea ntšoa, ea fetoleloa ka lipuo lisele, kapa ea sebelisoa ho qela matlole ntle le tumello e ngotsoeng ea Voice Of God Recordings®.

Ho fua boitsebiso bo bong kapa bakeng sa thepa e nngoe e ka fumanoang, ka kopo ikopanye le:

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org